

Na osnovu člana 8. Zakona o ministarskim, vladinim i drugim imenovanjima FBiH ("SI. novine FBiH" broj: 12/03, 34/03, 65/13) , člana 12. Zakona o javnim preduzećima FBiH ("SI. novine Federacije BiH" broj: 8/05, 81/08 , 22/09 i 109/12), člana 257. stav 1. tačka f) i člana 303. stav 1. Zakona o privrednim društvima ("SI. novine Federacije BiH" broj: 80/15), a u vezi sa članom 19. i 26. Statuta Zeničke razvojne agencije ZEDA d.o.o. broj: broj: 02-49-4244/17 od 27.04.2017. godine i Odlukama o izmjeni i dopuni Statuta Zeničke razvojne agencije ZEDA d.o.o., broj: 02-45-10243/21 od 28.05.2021. godine; broj: 02-45-18758/22 od 06.09.2022. godine, Nadzorni odbor Zeničke razvojne agencije ZEDA d.o.o. Zenica na osnovu Odluke o raspisivanju Javnog oglasa za izbor i imenovanje direktora Zeničke razvojne agencije ZEDA d.o.o. Zenica broj: 01-30-612/25 od 09.09.2025. godine, raspisuje

JAVNI OGLAS
ZA IZBOR I IMENOVANJE DIREKTORA
Zeničke razvojne agencije ZEDA d.o.o.

1. Predmet javnog oglasa

Objavljuje se javni oglas za izbor i imenovanje direktora Zeničke razvojne agencije ZEDA d.o.o.

2. Period na koji se vrši imenovanje

Izbor i imenovanje direktora vrši se na mandatni period od četiri (4) godine sa mogućnošću ponovnog imenovanja.

3. Opis pozicije

Nadležnosti i odgovornosti direktora Zeničke razvojne agencije ZEDA d.o.o. regulisane su Zakonom o privrednim društvima, Zakonom o javnim preduzećima i Statutom Agencije, a prema odredbi člana 18. Statuta Zeničke razvojne agencije ZEDA d.o.o. posebno za:

- 1) organizuje rad i rukovodi poslovanjem,
- 2) zastupa i predstavlja Društvo i odgovara za zakonito poslovanje.
- 3) utvrđuje poslovnu politiku Društva,
- 4) donosi planove i programe u sklopu provođenja utvrđene poslovne politike,
- 5) utvrđuje organizaciju Društva,
- 6) vodi operativno poslovanje,
- 7) izvještava Osnivača i Nadzorni odbor Društva,
- 8) donosi opće akte Društva, odluke, zaključke, rješenja i drugo,
- 9) odlučuje o pravima i obavezama iz radnog odnosa,
- 10) Direktor je disciplinski organ Društva.

4. Uslovi za imenovanje direktora

Kandidat za poziciju direktora Zeničke razvojne agencije ZEDA d.o.o. Zenica mora ispunjavati sljedeće uslove i kriterije:

a) Opći uslovi

- 1) da je stariji od 18 godina;
- 2) da je državljanin Bosne i Hercegovine;
- 3) da je zdravstveno sposoban za obavljanje poslova direktora;
- 4) da se protiv kandidata ne vodi krivični postupak;
- 5) da nije otpušten iz državne službe kao rezultat disciplinske mjere na bilo kom nivou vlasti u Bosni i Hercegovini (bilo na nivou države ili entiteta), u periodu od tri (3) godine prije dana objavljivanja upražnjene pozicije;
- 6) da nije pod optužnicom Međunarodnog suda za ratne zločine u bivšoj Jugoslaviji (da se na njega ne odnosi član IX 1. Ustava Bosne i Hercegovine)
- 7) da nije na funkciji u političkoj stranci u smislu odredbe člana 5. Zakona o ministarskim, vladinim i drugim imenovanjima Federacije BiH (Sl.novine FBiH broj:12/03; 34/03 i 65/13)
- 8) da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08);
- 9) da ne vrši funkciju direktora, člana Uprave, predsjednika ili člana Upravnog ili Nadzornog odbora u drugom privrednom društvu ili instituciji;
- 10) da nema privatni ili finansijski interes u Zeničkoj razvojnoj agenciji ZEDA d.o.o.;
- 11) da nije osuđivan za krivično djelo nespojivo sa dužnošću uprave-direktora Zeničke razvojne agencije ZEDA d.o.o., pet (5) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije;
- 12) da nije lice kojem je pravosnažnom odlukom suda zabranjeno obavljanje aktivnosti iz nadležnosti uprave-direktora, tri (3) godine od dana pravosnažnosti odluke.

b) Posebni uslovi

- 1) minimalno VSS prema;
- 2) pet godina radnog iskustva na poslovima razvoja, strateškog planiranja i upravljanja privrednim društvom;
- 3) poznavanje informaciono –komunikacijskih tehnologija;
- 4) poznavanje engleskog jezika;
- 5) da u pisanoj formi ponudi Program razvoja Društva za period od četiri (4) godine, koji će biti predmet analize i ocjene u postupku izbora i imenovanja;
- 6) da posjeduje Certifikat o završenom usavršavanju u skladu sa Zakonom o privrednim društvima ("Službene novine Federacije Bosne i Hercegovine", broj: 81/15 i 75/21 i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala (Službene novine Federacije BiH br. 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22). Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno

usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja, a u skladu sa važećom Uredbom.

c) Ostali kriteriji

Procjena kvalifikacije - menadžerskog znanja i iskustva kandidata izvršit će se na osnovu ostvarenog dojma o stručnosti i poznavanju radne problematike na usmenom intervjuu sa kandidatom.

5. Potrebni dokumenti

Kandidati su dužni uz potpisanu prijavu na javni oglas, a koja treba da sadrži kraću biografiju sa kontakt informacijama (adresa, broj telefona i e-mail adresa), priložiti original dokumente ili ovjerene fotokopije dokumenata koji su dokaz ispunjavanja općih i posebnih uslova traženih Javnim oglasom, i to:

- 1) Izvod iz matične knjige rođenih;
- 2) Uvjerenje o državljanstvu i CIPS uvjerenje (ne starije od tri mjeseca);
- 3) Dokaz o stručnoj spremi (diploma o stečenoj stručnoj spremi odgovarajućeg smjera);
- 4) Dokaz o radnom iskustvu (potvrda/uvjerenje poslodavca o radnom iskustvu u struci i spremi nakon sticanja visoke stručne spreme);
- 5) Program razvoja Društva za period od četiri (4) godine;
- 6) Izjave ovjerene od strane nadležnog organa o činjenicama nabrojanim u tačkama 5. do 10. općih uslova (sve navedene izjave mogu biti tekstualno sadržane na jednom ovjerenom listu i ne smiju biti starije od tri mjeseca od datuma objave ovog Oglasa);
- 7) Dokaz o ispunjavanju posebnih uslova pod 3 i 4.
- 8) Certifikat o završenom usavršavanju izdat od strane nadležnog organa ili izjava potpisana i ovjerena od strane nadležnog organa kojom kandidat izjavljuje da preuzima obavezu da stručno usavršavanje obavi u roku od šest mjeseci od dana imenovanja na poziciju (dokaz: original ili ovjerena fotokopija certifikata ili ovjerena izjava o preuzimanju obaveze o stručnom usavršavanju).

Pored navedenih dokumenata, kandidat koji bude izabran na poziciju direktora dužan je, u roku od 8 (osam) dana dostaviti

- Ljekarsko uvjerenje o zdravstvenoj sposobnosti (ne starije od tri mjeseca).

Ako izabrani kandidat ne dostavi navedeno uvjerenje u ostavljenom roku, smatrat će se da ne ispunjava opće uslove iz tačke 3., te će za predmetnu poziciju biti odabran sljedeći kandidat sa liste koji ispunjava uslove.

Kandidat koji bude izabran na poziciju direktora dužan je, u roku od 8 (osam) dana od dana prijema obavještenja o izboru dostaviti Uvjerenja kojim se dokazuje ispunjenost općih uslova iz tačke 4. alineja 4, 11 i 12. koje kandidat treba da ispunjava.

6. Opće odredbe

Podnosioci prijava koji uđu u uži izbor bit će pozvani na intervju u roku od četrnaest (14) dana od dana isteka roka za podnošenje prijava. Pozvani kandidati koji ne pristupe na zakazani intervju, smatrat će se da su odustali od oglasa.

Javni oglas će biti objavljen u "Službenim novinama Federacije BiH".

Javni oglas će biti objavljen u dnevnom listu "Oslobođenje", na web stranici Zeničke razvojne agencije ZEDA d.o.o. Zenica i web stranici Grada Zenica i ostaje otvoren 15 dana od dana posljednjeg objavljivanja.

Prijave sa traženim dokumentima treba dostaviti u zatvorenoj koverti, lično na protokol Društva ili preporučeno poštom na adresu:

**Zenička razvojna agencija ZEDA d.o.o. Zenica,
Komisija za izbor,
ul. Zmaja od Bosne bb, 72 000 Zenica,
sa naznakom :**

"PRIJAVA NA JAVNI OGLAS ZA IZBOR I IMENOVANJE DIREKTORA ZENIČKE RAZVOJNE AGENCIJE ZEDA D.O.O. ZENICA - NE OTVARATI !"

Nepotpune, neblagovremene i neuredne prijave neće se razmatrati.

Agencija nema obavezu vraćati dokumentaciju dostavljenu uz prijavu na ovaj javni oglas.

Na osnovu provjere kvalifikacija i iskustva prijavljenih kandidata i obavljenog intervjua, Komisija za provođenje postupka izbora kandidata na poziciju direktora Zeničke razvojne agencije ZEDA d.o.o., putem pisane preporuke, predlaže rang listu najuspješnijih kandidata na dalji postupak i konačno imenovanje.

Konačno imenovanje direktora, uz prethodnu saglasnost Skupštine Zeničke razvojne agencije ZEDA d.o.o., vrši Nadzorni odbor.

Sa kandidatom koji bude imenovan na poziciju direktora, Nadzorni odbor će zaključiti ugovor kojim će se regulisati sva prava i obaveze, ovlaštenja, položaj i odgovornosti direktora Zeničke razvojne agencije ZEDA d.o.o..

Nakon provedenog postupka izbora, kandidati će biti pismeno obaviješteni o rezultatima provedenog javnog oglasa.

**PREDSJEDAVAJUĆA
NADZORNOG ODBORA
AGENCIJE ZEDA d.o.o.**

Ajla Čosić